



**Quæstionum Canonicarum, In Quinque Libros
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

Schlüter, Georg

Augustæ Vindelicorum, 1708

§. 6. An possit Episcopus Conditiones beneficii patronati mutare?

[urn:nbn:de:hbz:466:1-73045](#)

Gloss. hic V. utrum electio, ergo; sic Pir-
hing. de Jure Patronatus n. 126.

n. 3298 In hac objectione multa posse
considerari, quae ambigua sunt. 1. an
beneficiati possint talem præsentatio-
nem facere *jure*, vel tantum *facto*? 2.
an ea, quam jure facere possunt, sufficiat
ad titulum pro recipiendis Ordinibus?
3. solum an ex suppositione, si facerent,
etiam solo facto, & ordinatio sequere-
tur, manente nihilominus salvo Jure
Patronorum, taliter ordinati præferri
deberent præsentatis à Patrono in casu
vacantis Ecclesiae, quando Patroni con-
sensus non requiritur ad talem præsen-
tationem? 4. an si necessarius foret, qui-
bus positus ad 1. r. Beneficiatos posse in
suis beneficiis assignare alteri Clerico or-
dinando titulum congrua sustentationis
ex suis beneficiis, sed tantum *ad tempus*,
quo ipsi habent tale beneficium; ne plus
juris in alterum transferant, quam ipsi
habeant; cum ergo beneficiati nullum
jus habeant gravandi beneficia, onere
duraturo etiam post ipsorum vitam; non
poterunt ejusmodi Clericis constitui
ius alimentorum ex fructibus beneficii
pro casu, quo ipsi non habent benefi-
cium; at ponuntur habere solum ad
dies vita: ergo. Et ideo talis Clericus,
ad ejusmodi titulum ordinatus, non ha-
bet sibi obligatum *beneficium*, sed *ben-
eficiatum*, à quo præsentatus est ad ordi-
nes ex tali titulo; ubi onus solum incum-
bit fructibus ceteroquin competentibus
beneficiato.

n. 3299 Ad 2. r. quod titulus alimento-
rum recipiendorum ex beneficio, quem
beneficiatus in suo beneficio alteri dare
potest ad ordines, sit solum *ad tempus vi-
tae præsentantis*; non autem *ad dies vita
ordinandi* ad eum titulum, secluso alio
supplente, quo deficiente non est assi-
gnatus titulus, quo ad dies vita ordinata
habet alimenta, talem titulum non
esse sufficientem ad recipiendos ordines,
nisi ordinans in casu defectus illius se ob-
liget ad præbendam ordinato sustenta-
tionem, dum ei de beneficio provi-
sum sit in titulum; ut alibi pluribus ex-
positum. Ad 3. jam constat ex n.
3293. Nam ex suppositione, quod
beneficiatus ex consensu Patroni præ-
sentaret aliquem facto, non jure, ad
tom. III.

titulum sui beneficii ordinandum, &
Episcopus cum ad talem titulum ordi-
naret; ad hue ista intitulatio nullum
Patrono præjudicium potest facere, ut
constat ex ipso textu in n. 3293. quibus
positis:

Ad object. in n. 3297. r. cum dist. 3300
sequela: ex dicta responsione Pontifi-
cis saltem sequitur, quod Parochi ali-
que beneficiati possint præsentare Cleri-
cos ordinandos ad titulum sui beneficii,
quando nullum sit præjudicium Patronis,
titulo non sufficiente ad Ordines recipi-
endos C. titulo sufficiente N. seq. Nam
Beneficiatus non potest gravare benefi-
cium suum disponendo de fructibus ejus,
ultra dies vita sue, vel tempus, quo il-
lud habet. Ad prob. N. quod ab Epi-
scopo Auriensi prima illa quæstio (*an
Beneficiati possint alii in suo beneficio consti-
tuere titulum pro ordinibus*) proposita
fuerit; quarebat enim solum, an, si fa-
cerent inconsulto Patrono, tales Clerici pro-
pter talem intitulationem in casu vacantis
beneficii essent preferendi præsentatus à Pa-
tronio, qui non consentit in ejusmodi inti-
tulationem. Deinde, datâ, seu permis-
ma. dist. min. arqui per hoc etiam tacite,
ac indirecte responsum est, quod Clerici
possint validè ac licite præsentari, à be-
neficiato, ad titulum beneficii solum
temporale, seu ad dies vita præsentan-
tis, si illud patronatum sit, etiam irre-
quisito Patrono, sine præjudicio tamen
ejusdem, quoad Jus præsentandi alium
Clericum transeat; at titulum sui bene-
ficii *perpetuum*. N. min. ac ejus supposi-
tum, quod hac intitulatione Patrono
non fieret præjudicium; sic enim illo jam
intitulato in perpetuum, ac vivente, ina-
nis foret præsentatio alterius facta à Pa-
tronio, cum non possint duo simul in co-
dem esse intitulati.

§. 6.

*An possit Episcopus Conditiones beneficij
patronati mutare?*

Lequimur de qualitatibus & condi- 3301
tionibus in prima fundatione appo-
situm, & legitima superioris Ecclesiastici
potestate admissis. Circa præsentem
quæstionem statuitur in c. Tua, 17. de-

Ddd dd Tefla-

ED. autem P. de Eusebio D. III. V. VII.

762 Tract. In Lib. III. Decretal. Quæstio XXXVIII.

Testament. dicitur ad Episcopos spectare, in omnibus piis voluntatibus, provisio-
nem, ut secundum defuncti voluntatem
universa procedant, licet etiam à Testa-
toribus id contingere interdici; ac ex-
ecutiones testamentorum, monitione
præviâ compellere, ut bona ipsa, in piis
usus relata, fideliter & plenè expendant.

3302 Deinde in Clement. *Quia contingit*

2. de Relig. domib. Clemens V. statuit,
ut ea, quæ ad certum usum piis locis
largitione sunt destinata fidelium, *ad il-*
lum debeant, *non ad alium* (salvâ qui-
dem Sedis Apostolicæ autoritate) con-
verti. In Trident. etiam *Sess. 25. de*
reform. c. 5. dicitur: *ratio postulat, ut il-*
lis, quæ bene constituta sunt, contrariis or-
dinationibus non detrahatur: quando igi-
tur ex beneficiorum quorumcunque erectio-
ne, seu fundatione, aut aliis Constitutio-
nibus, qualitates aliqua requiruntur, seu
certa illius onera sunt injuncta in beneficio-
rum collatione, seu in quacunque alia di-
spositione, eis non derogetur. Idem in
præbendis Theologalibus, Magistralibus,
Doctoralibus, aut Presbyteralibus,
Diaconalibus, aut Subdiaconalibus, quan-
docunque ita constituta fuerint, obser-
vetur, *ut eorum qualitatibus, vel Ordini-*
bus nihil in ulla provisione detrahatur, &
aliter facta provisio subreptitia censeatur;
ita Concilium.

3303 Ex his iuribus deducitur 1. quod
Ordinarii locorum, vel alii, qui certis
locis iis præsunt, non possint qualitates,
vel conditiones onerum in foundationi-
bus eorum, etiam cum consensu eorum,
qui Fundatori succedunt, vel in totum,
vel etiam in partem murare, quod in-
tellige, si, & quamdiu observari pos-
sunt immutare, propter dicenda in seqq.
Nam, ut recte loquitur Tridentinum,
ipsa ratio, & naturalis equitas postulat,
ut pia Fidelium voluntates, *ubi, &*
quamdiu possunt, fideliter impleantur, &
quæ bene constituta sunt, contrariis Or-
dinationibus non detrahatur, nec in
alium usum, quam eum, ad quem lar-
gitione fidelium destinata sunt, impen-
dantur, ut habetur in cit. Clement. 2.
ubi excipitur solus Summus Pontifex; ex
qua exceptione habetur, soli Romano
Pontifici licere pias defunctorum volun-
tates commutare, sic Tiraquelli de Pri-

vileg. cauæ pia, Privileg. 135. & com-
plures alii, quos citat, & sequitur Barbo-
sa p. 3. alleg. 83. à n. 1.

Deducitur 2. quod, si provisio be-
neficci devolvatur ad Superiorem, ab hoc
in provisione debeant servari omnes qua-
litates, & conditiones beneficio in ejus
fundatione appositæ, & admissas, nam
beneficium devolvitur cum suo onere,
nec devolutione mutari possunt ejus con-
ditiones, & qualitates sine Authoritate
Sedis Apostolicæ, sic Seraphim Decis.
1363, à n. 1. & alii. Hinc, si in funda-
tione statutum est, ut minor, etiam 14.
annis, tale beneficium obtinere valeat,
illi standum est; & huic qualitatæ in fun-
datione beneficij apposita non esse deroga-
tum per Decretum Concilii Trident.
Sess. 23. de Reform. c. 6. (ubi dicitur:
Nullus primæ tonsuræ initatus, aut etiam in minoribus Ordinibus constitutus, ante decimum quartum annum, beneficium possit obtinere) tradunt Gonzalez ad 8. reg.
Cancell. *Gloss. 5. n. 91.* Aloys. Riccius,
Navarr. & alii, quos citat & sequitur
Barbosa in *cit. c. 6. n. 7.*

Deducitur 3. quod, post Tridenti 3305
num dispensare non possit Episcopus,
etiam de consensu eorum, qui Fun-
datori defuncto successorunt in Patronatu,
ut minor 25. annis, non *Sacerdos* obti-
neat Capellam, etiam simplicem, ad
quam ex fundatione præsentandus est *Sa-*
cerdos, sic Garcia p. 7. de benef. c. 1. à
n. 93. sed & illud ex iisdem iuribus recte
deducitur, quod Beneficiati nec ab Epis-
copo, nec à Patronis successoribus cogi
possint ad sustinenda onera, quæ in fun-
datione, vel institutione non sunt im-
posta; sic enim esse decisum à Sacra Con-
gregatione in una Cremonensi refert
Aldanus in *Compend. Canon. refol. l. 2.*
tit. 25. n. 16. Et ratio est ex præmissis
juribus, quibus nulli, nisi Summo Pon-
tifici conceditur aliqua mutatio in his,
quæ in prima fundatione constituta
sunt.

Deducitur 4. ubique dispositio 3306
defuncti certa est respectu cause, perlo-
na, loci, temporis &c. illam ab Episco-
po alterari non posse; sequitur ex dict.
& habetur in c. *Ultima. 13. q. 2.* ubi Gré-
gorius Pontifex: *Ultima, inquit, volun-*
tas defuncti, modis omnibus conservari
debet;

debet; & L. I. C. de sanctiss. Eccles. ita Layman. l. 4. Summae, tr. 2. c. 13. q. 6. n. 13. Sed hæc intelligenda sunt, quando, quæ in fundatione constituta sunt, etiam deinceps observari possunt; nam interdum, quæ ante complures annos congruè fieri poterant, lapsu temporis, & mutatis circumstantiis, ægræ præstari possunt, aut à Successoribus observari, præsumt si pro illis oneribus tam tenues proventus sint, ut non facile inveniantur, qui velit se huic muneri subjicere, aut obligationum numerus sic excreverit, ut non possit sigillatim omnibus satisfieri.

3307 Hanc difficultatem animadvertens, Tridentinum Sess. 25. de reform. c. 4. sic loquitur: *Contingit sape in quibusdam Ecclesiis, vel tam magnum Missarum celebrandarum numerum ex variis defunctorum relictis impositum esse, ut illis pro singulis diebus à testatoribus prescriptis, nequeat satisfieri, vel eleemosynam hujusmodi pro illis celebrandis adeo tenuem esse, ut non facile inveniatur, qui velit huic se muneri subjicere; unde depereunt pie testantium voluntates, & eorum conscientias, ad quos prædicta spectant, onerandi occasio datur: Sancta synodus (cupiens hæc ad pios usus relicta, quo plenius, & utilius potest impleri,) facultatem dat Episcopis, ut in Synodo Diocesana; itemque Abbatibus, & Generalibus Ordinum, ut in suis Capitulis generalibus, re diligenter perspectâ, possint pro sua conscientia in predicitis Ecclesiis, quas hac provisione indigere cognoverint, statuere circa hæc, quid quid magis ad DEI honorem, & cultum, atque Ecclesiarum utilitatem viderint expedire, ita tamen, ut eorum semper defunctorum commemoratio fiat, qui pro suarum animalium salute legata ea ad pios usus reliquerunt.*

3308 Ex hoc decreto, posse Episcopum, justâ tamen interveniente causa, reducere numerum anniversariorum, & officiorum pro defunctis, referunt decisum Quaranta in summa Bullarii. V. *Missa*. pag. 291. alias. 402. Galet in Margarita casuum conscient. V. *Missa*. 4. Piasec. in praxi Episcop. p. 2. c. 13. n. 15. in fine. Aloysius Riccius d. resolut. 341. n. 2. Moneta de commut. ultim. volunt. c. 5. n. 367. Barbos. d. alleg. 26. n. 4. Nicol. Garcia Tom. III.

de benefic. p. 7. c. 1. n. 131. Similiter posse reducere numerum Missarum, & anniversariorum, non modo, quæ prescribuntur in testamentis, & aliis similibus dispositionibus causa mortis, sed etiam, quæ in donationibus, & aliis actibus inter vivos, resolvit Barbosa p. 2. de officio & potest. Episcopi allegat. 29. n. 9. & anniversaria in totidem Missas commutare posse Episcopum ex facultate illi à Concilio in praesenti attributa, tradunt Ugol. de officio Episcopi c. 61. n. 1.

In hac materia propter innumeratas declarationes, quas super hoc decreto afferunt authores, ut videri potest apud Barbos. in dict. Sess. 25. c. 4. Difficile est aliquid certum statuere, Doctoribus, in diversas opiniones decedentibus; accedente quoque declaratione novissima Congreg. Card. super dubiis Concilii Trident. sub Urbano VIII. & cum ejusdem approbatione publicata, quam refert Barbosa in dict. c. 4. à n. 14. ubi primò districtè prohibet, ac interdicit, ne Episcopus in Diocesana synodo, aut Generales in Capitulis generalibus, vel alias, quomodolibet reducant onera illa Missarum celebrandarum, aut post idem Concil. imposta, aut in limine foundationis; sed pro his omnibus reducendis, aut moderandis, vel commutandis, ad apost. Sedem recurratur, quæ re diligenter perspecta id statuet, quod magis in Domino expedire arbitrabitur, alioquin reductiones vel moderationes, & commutations hujusmodi, si quas contra hujus prohibitionis formam fieri contigerit, omnino nullas atque inanes decernit.

Secundo, ne in Ecclesiis, in quibus onera Missarum in perpetuum imposita sunt, Sacerdotes in eis, ut par est, adimplendis co tepidores, & segniores redundant, quod onera hujusmodi, cum nulla, aut parva sint utilitate conjuncta, statuit, atque decernit, ut pecunia, ac bona mobilia Ecclesiis, Capitulis, Collegiis, Hospitalibus, Societatibus, Congregationibus, Monasteriis, Conventibus, ac locis omnibus tam secularibus, quam Regularibus, atque illorum personis in futurum simpliciter acquirenda cum onere perpetuo Missarum celebrandarum abiis, ad quos pertinet, sub pena interdicti ab in.

Ddd dd 2

ab ingressu Ecclesiae ipso facto incurrenda, à die realis acquisitionis statim deponi debent, penes ædem sacram, vel personam fidei, & facultatibus idoneam, ad effectum illa, seu illorum pretium, quām primum investiendi in bonis immobilibus fructiferis, cum expressa, & individua mentione oneris, quod illis annexum reperitur, ac si eadem bona immobilia, Auctoritate Apostolica deinceps alienari contigerit, corundem pretium sub eadem poena, ut supra, deponi, ac in aliis bonis stabilibus itidem fructiferis cum ejusdem oneris repetitione, atque annexione converri debat.

3311 Tertiò quibusvis Capitulis, Collegiis, Societatibus, & Congregationibus, nec non omnibus, & singulis Ecclesiis, locorum, tam secularium, quām Regularium Superioribus, vel aliis, ad quos pertinet, distictè prohibet, *ne imposterum onera perpetua suscipiant Missarum celebrandarum*. Seculares verò *sine Episcopi*, seu ejus Generalis Vicarii; Regulares verò *sine Generali*, vel Provincialiis *consensu*, & *licentia*, in scriptis, & gratiis concedenda; alioquin, si secularis hujusmodi prohibitionis transgressor extiterit, ab ingressu Ecclesiae interdictus sit eo ipso; Regularis verò poenam privationis omnium officiorum, quæ tunc obtinebit, ac perpetuæ inhabilitatis ad alia de cetero obtinenda, vocisque activæ, & passivæ, absque ulla declaratione incurrat.

3312 Quartò, quod eleemosynas manuales, & quotidianas pro Missis celebrandas, ita demum idem accipere possint, si oneribus antea impositis, ita satisfecerint, ut nova quoque onera suscipere valeant, alioquin omnino abstineant ab hujusmodi eleemosynis, etiam sponte oblatis, in futurum recipiendis, & Capsulas auferant ab Ecclesiis cum scriptione illa: *Eleemosyna pro Missis*, vel alia simili, sub eisdem poenis ipso facto incurrendis, ne si deles hac ratione frustrentur.

3313 Quintò præcipit, ut Episcopus, vel ejus Vicarius, aut Generalis, seu Provincialis, ubi de licentia pro perpetuis oneribus fuerint requisiti, in singulis casibus diligenter inquirant, de singulis Missarum celebrandarum obligationibus, cuique Ecclesie, Monasterio, aut loco pio incumbentibus, ne ante assensum hujus-

modi, aut licentiam præbeant, quām eis legitimè constituerit illius Sacerdotes tam novo oneri suscipiendo, quām antiquis jam susceptis satisfacere posse, præcipuum que rationem habcant, ut redditus qui Ecclesiis, aut locis piis relinquuntur, omnino respondeant oneribus adjunctis, secundum morem cuiusque Civitatis, intelligentque, si in re tanti momenti, desides, aut negligentes fuerint, in novissimo die, se hujs prætermitti muneris rationem esse reddituros. Haec tenus Sacra Congregatio cum amplissima derogatione, &c. quam ad literam refert Barthol. à S. Fausto in *tr. de suffrag. paf. q. 9. 1.*

Ex his deducitur 1. potestatem Episcoporum, & Generalium Ordinum in dicto Tridentini Decreto fuisse restrictam, ut sine recursu ad Sedem Apostolicam non possint validè reducere, vel constringere onera Missarum celebranda, quæ imposta sunt post Concilium Trid. aut in limine fundationis, ut habetur n. 3307. & sic etiam tradunt Piascius in praxi p. 2. c. 3. n. 31. Dianap. I. resol. moral. de celebrat. Missar. resol. I. Garcia de benef. p. 7. c. I. n. 131. & alii.

Deducitur 2. quod Prælati & Superiores regulares non possint diminuere votivas Missas, vel pro defunctis, quæ justis stipendiis à particularibus personis petuntur, sine ipsarum consentu, quibus debentur, nam in his verè obligantur ex stricta justitia ad præstandam obligacionem natam ex contractu utrinque oneroso; sic complures apud Barbosam in dict. c. 4. Trid. n. 9. Hinc, si contingeret, recipiendo novas eleemosynas manuales impediri solutionem debiti prioris, seu, ut prioribus obligationibus, prout convenitum est, satisfieri non possit, illicita omnino foret, & contra justitiam talis receptio; nam debitor ex justitia, ex eadem virtute prohibetur non apponere impedimentum incompossibile cum eo, ad quod ex justitia tenetur; & sic decisum esse a Sacra Congreg. approbante Urbano III. confitat exn. 3309. & seq.

Not. præterea dictam facultatem Ordinorum, & Prælatorum Ordinum, quæ ipsis in decreto Tridentini, de quo n. 3307. concessa est, intelligendam esse, de reducendis oneribus Missarum ante Concilium Tridentinum impositis, ut tradit

tradit Diana *cit. resol. 2.* Barbos. *cit. n. 11.*
 & alii apud eum relati. Et quoniam sa-
 pe contingit, quod antiquis temporibus,
 à Testatoribus, Ecclesiis data sint bona
 quædam, ex quibus anni fructus tunc
 sufficiebant, ut ea onera commodè p-
 restari possent ab Ecclesiarum Rectoribus;
 nunc autem revera planè non sufficient,
 imò, qui peragere velit, vix invenia-
 tur, quandoque etiam sine damno non
 possit, imò fundum, pratum, vel vi-
 neam Ecclesiæ sub tali onere datum;
 Fundatorum hæredibus restituere ma-
 lit, quo illorum memoria, & pia in-
 tentio penitus interire: non videtur du-
 bitandum, adesse justam causam restrin-
 gendi numerum talium onerum, secun-
 dum quod proventus bonorum minus suf-
 ficientes evaserunt.

3317 Legi supplicationem cuiusdam Paro-
 chi, datam ad Ordinarium, qua reduc-
 tionem plurium onerum petebat, quæ
 incumbebant sive Ecclesiæ annuatim p-
 staude, v. g. ut in pervigilio anniversarii
 fieret officium defunctorum, cum pro-
 cessione circa Ecclesiam, ipso die, ce-
 lebraretur solennis Missa, invitarentur vi-
 cini Parochi, à divinis daretur illis men-
 sa &c. &c. Cùm tamen redditus ad ea te-
 mnes habeat, ut pro uno vix venirent 10.
 cruciferi, ædituo, & Musicis minus, &c.
 In tali casu, cùm maslet hæredibus red-
 dere fundum sub hoc onere datum, quæ
 ea, (cùm non possit sine suo detrimen-
 to) videbatur merito restringi posse, vel
 ad unam duntaxat Missam simplicem;
 vel, si pluries ea onera per annum iteran-
 da forent, ad numerum mitiorem, sic ta-
 men, ut in hujusmodi numero Missarum,
 seu anniversariorum facienda semper sit
 commemoratio eorum defunctorum,
 qui pro suarum animarum salute talia le-
 gata ad pios usus reliquerunt, ut dicitur
 in textu *cit. o. 4. in n. 3307.* quamvis
 Vglinus de offic. Episcopi *p. 2. c. 61. n. 1.*
 dicat, dictæ commemorationi satisfieri
 posse, vel in *Collectis*, vel in *memento*:
 quod tamen videtur intelligendum, si
 tunc Missa non admitteret commemora-
 tionem, quæ per consuetas Ecclesiæ
 orationes pro defunctis dici solent: sic
 enim decet Ecclesiæ fidelitatem in reco-
 gnitione datorum à defunctis Fundato-
 ribus.

ARTICULUS XIII.

*Quibus modis Jus Patronatus amittatur,
 vel extinguitur?*

REsp. id posse contingere diversis mo- *3318*
 dis, & i. Si Patronus ipse, juri
 sibi competenti renuntiet; tunc enim
 talis Ecclesia fit libera, ut colligitur ex *c. 1.*
b. t. in 6. quod etiam ex codem deduc-
 tur, si alteri jus suum liberè cedat; nam
 in primo casu extinguitur; in secundo
 autem, definit in Cedente, & transit in
 Cessionarium, ubi etiam notandum,
 posse Patronum, vel ejus in Patronatu
 successorem, etiam remittere alias con-
 ditiones in suum Patroni favorem, cum
 consensu Ordinarii appositis in fundatio-
 ne, vel dotatione, aut constructione Ec-
 clesiæ, non tamen appositis in favorem di-
 vini cultus, aut totius familiae, licet enim
 prejudicare possit juri in suum, non ta-
 men, in favorem aliorum indulto.

Secundò amittitur Jus Patronatus, *3319*
 quando de consensu Patroni Ecclesia *pa-*
tronata transit in *electivam*; nam tali cau-
 locus esse non potest exercitio patronatus,
 seu præsentationi, sed electioni, ad quam
 Patronus, dando active suffragium, Jure
 Patronatus se immittere non potest, quam-
 vis, si ei concedatur, in tractatu electionis
 partes suas interponere valeat, ut haberetur
 c. *Nobis. 25. b. t.* ibi: *Ceterum in Conven-*
tuali Ecclesia non electioni Prælati faciende,
sed jam factæ honestius Patroni postulatur af-
fensus; nisi aliter de sua jurisdictione obi-
 necat, ut partes suas interponere debeat elec-
 tioni tractanda.

Tertiò amittitur, si Ecclesia Patrona- *3320*
 ta *accessoriè* uniatur Ecclesiæ non patrona-
 te, sed v. g. *electiva*; Nam Ecclesia acces-
 sorie unita alteri ut dicemus in seqq. per-
 dit suas qualitates, & transit in eas, quas
 habet altera; at ubi Ecclesia, cui sic unita
 est, non admittit præsentationem, sed
 electionem, nec taliter unita illam admit-
 tet, & ubi locus relatè ad aliquam elec-
 tionem non est præsentationi, nec locus est
 Patronati: ergo. Sic Joann. Andr. *in*
c. 2. de Relig. Domib.

Quartò si Ecclesia Patronata sic de- *3321*
 strinatur, ut non amplius sit usus pro cele-
 brandis inibi divinis, nec spes sit reædifi-
 cationis; quia sic habetur tanquam non

Ddd dd 3 ens,